



Borgarráð Reykjavíkur  
Tjarnargötu 11  
101 Reykjavík

Hér með sendist útskrift úr gerðabók umhverfis- og heilbrigðisráðs frá 24. apríl 2019 varðandi eftirfarandi mál.

### ***Fyrirspurnir fulltrúa Miðflokks vegna framkvæmda við Landspítala Hringbraut***

Lagt fram svar við fyrirspurnir fulltrúa Miðflokks í umhverfis- og heilbrigðisráði með tölvupósti dags 1. apríl 2019 vegna framkvæmda við Landspítala Hringbraut og svör Heilbrigðiseftirlits Reykjavíkur.

*Kl. 11:21 vikur Ólafur Jónsson af fundi.*

*Fulltrúi Miðflokksins bókar:*

*Hlutverk Heilbrigðiseftirlits Reykjavíkur (HER) er að fara með hollustuhátta-, matvæla- og mengunarvarnareftirlit í borginni, stuðla að öflugri umhverfisvöktun og fræðslu til almennings í Reykjavík. HER vísar ábyrgð eftirlits með byggingareit Landsspítalans til byggingafulltrúa Reykjavíkur. Loftgæðamælingar hafa farið fram og einungis er mælt CO<sub>2</sub>, hiti og raki. Það er forkastanlegt að ekki hafi verið mælt svifryk, brennisteinsdíoxíð, brennisteinsteinsvetni, koldíoxíð, kolmónoxíð og köfnunarefnisoxíð eins og alltaf er gert í loftgæðamælingum borgarinnar. Það er með ólíkindum að HER skuli vísa á stjórn Landsspítalans og/eða Landlækni varðandi mengun úr jarðvegi sbr. spurningu 6. Svalir og gluggar hafa verið festir aftur vegna „teórískar hættu“ á því að jarðvegsbakteríur og myglusveppir smiti spítalann.*

*Hinn 26. febrúar s.l. barst svar frá umhverfis- og auðlindaráðherra við fyrirspurn frá Önnu Kolbrúnar Árnadóttur um sama efni. Í svarinu kemur fram að síðustu formlegu samskipti Heilbrigðiseftirlits Reykjavíkur vegna Landsspítalans komi fram í umsögnum HER frá árunum 2011 og 2012. Segir jafnframt í svarinu að eftirlitið sé ekki hjá ráðuneytinu heldur er eftirlitið með framkvæmdinni á vegum Reykjavíkurborgar.*

*Hér bendir hver á annan en ábyrgðin er skýr – ábyrgðin er hjá Reykjavíkurborg og formanni heilbrigðisnefndar að eftirliti hefur ekki verið nægjanlega sinnt. Er það grafalvarlegt mál og óskiljanlegt að okkar veikasta fólk er látið gjalda fyrir. Starfsfólk Landsspítalans yfirgefur svæðið í vaktarlok en það gera sjúklingarnir ekki.*

*Glóey Helgudóttir Finnsdóttir*

Glóey Helgudóttir Finnsdóttir

Spurningar til heilbrigðiseftirlits Reykjavíkur

**1. Hefur heilbrigðiseftirlit Reykjavíkur gert úttekt á byggingarreit nýs Landspítala við Hringbraut hvað varðar mengunarvörnum, hollustuháttum og matvælaöryggi. Ef svo er, hvenær var úttektin gerð ? Ef úttektin hefur ekki verið gerð, stefnir HER á það að gera slíka úttekt ?** Slík úttekt hefur ekki verið gerð enda ekki á verksviði HER. Byggingarfulltrúi fer með úttektir á byggingarsvæðum og hefur eftirlit með þeim. HER barst tilkynning um olútanka sem á að staðsetja á byggingarsvæðinu og staðan á því er að beðið er heimildar Byggingarfulltrúa á staðsetningu áður en HER tekur þá út. Aðkoma HER til þessa hefur verið að fara yfir teikningar og veita leiðbeiningar um það sem varðar mengunarvarnir, hollustuhætti og matvælaöryggi vegna hönnunar nýs Landspítala. Verktakar á svæðinu eða Byggingarfulltrúi hafa ekki kallað HER og skv. upplýsingum frá Byggingarfulltrúa hafa ekki hafi komið upp mengunartilvik hingað til á byggingareitnum.

**2. Hefur heilbrigðiseftirlit Reykjavíkur gert úttekt úr hvort að mengun komi úr jarðvegi við byggingu nýs Landspítala ?** Verði vart við mengun ber verktaka þegar að hafa samband við Heilbrigðiseftirlit Reykjavíkur. Engin slík tilvik hafa komið upp hingað til. Fyrirliggjandi gögn benda ekki til þess að mengun sé að þessu svæði. Heilbrigðisfulltrúar skoðuðu svæðið í tengslum við sprungna vatnsæð fyrir á árinu og voru engin ummerki um mengun sjáanleg á framkvæmdasvæðinu á þeim tíma.

**3. Hver eru loftgæðin innan núverandi húsnæðis Landspítalans við Hringbraut og loftgæði í umhverfi byggingastaðar ?** Reglubundið eftirlit er á LSH og hafa eftirlitsferðir verið farnar að undanförunu í samræmi við eftirlitsáætlun 2019. Loftgæðamælingar hafa farið fram í nokkrum tilvikum gjarnan eftir ábendingar starfsfólks, mælt hefur verið CO<sub>2</sub>, hiti og raki. Helstu athugasemdirnar eru að loft sé þurrt sem á sér þær skýringar að loftræst er um opnanlega glugga og útiloft er yfirleitt þurrt að vetrarlagi sem á við þær mælingar.

**4. Hefur heilbrigðiseftirlit Reykjavíkur gert úttekt á hávaða frá framkvæmdum við byggingu nýs Landspítala ?** Nei, framkvæmdin er innan marka þess tíma sem hávaðareglugerð leyfir og engar kvartanir hafa borist HER. Til nánari skýringar þá eru engin eiginleg hávaðamörk á tímabundum framkvæmdum í reglugerðinni einungis tímamörk skv. töflu IV í reglugerð nr. 724/2008 um hávaða.

**5. Hvers vegna hefur heilbrigðiseftirlit Reykjavíkur ekki gert úttekt á þessum hlutum, í kjölfar fréttáflutnings síðan framkvæmdirnar byrjuðu ?** Ekkert hefur komið í ljós sem gefur tilefni til að ætla að farið hafi fram yfir heimildir/tímamörk á framkvæmdasvæðinu.

**6. Hversu mikil áhrif hefur mengun úr jarðvegi og hávaðamengun frá byggingarstað haft á sjúklinga Landspítalans við Hringbraut ?** Engin mengun hefur fundist á byggingarsvæðinu hingað til. HER hefur ekki upplýsingar um slíkt enda ekki í verkahring þess að safna slíkum upplýsingum en bendir á stjórn Landspítala og/eða Landlækni sem mögulega gætu haft slíkt undir höndum. Engar kvartanir eða ábendingar hafa borist til HER um slíkt. Hins vegar er ljóst að umfangsmiklar framkvæmdir sem þessar hljóta að hafa truflun og óþægindi í för með sér fyrir sjúklinga og starfsfólk meðan á þeim stendur.